



Broj: 02-05-19334-27/08
Sarajevo, 12.06.2008. godine

Godina XIII – Broj 20

Četvrtak, 12. juna 2008. godine
SARAJEVO

ISSN 1512-7052

Na osnovu čl. 22. i 24. stav 7. Zakona o Vladi Kantona Sarajevo („Službene novine Kantona Sarajevo, broj: 24/03 – Prečišćeni tekst) Vlada Kantona Sarajevo, na 66. sjednici od 10.06.2008. godine, donijela je

O D L U K U
O UVJETIMA, POSTUPKU I KRITERIJIMA ZA
DODJELU STIPENDIJA IZUZETNO USPJEŠNIM UČENICIMA I STUDENTIMA
KANTONA SARAJEVO

I - OPĆE ODREDBE

Član 1.

Ovom se Odlukom utvrđuju opći uvjeti, postupak i kriteriji za dodjelu stipendija Ministarstva obrazovanja i nauke Kantona Sarajevo (u daljem tekstu Ministarstvo) za izuzetno uspješne učenike i studente Kantona Sarajevo, te prava i obaveze korisnika stipendija.

Član 2.

Naziv stipendije glasi: Stipendija Ministarstva obrazovanja i nauke Kantona Sarajevo za izuzetno uspješne učenike i studente (u nastavku teksta: stipendija).

Član 3.

Sredstva za stipendiju izdvajaju se sa namjenske pozicije iz budžeta Ministarstva obrazovanja i nauke Kantona Sarajevo, a u skladu sa sredstvima odobrenim budžetom Kantona.

Broj i iznos pojedinačnih stipendija za izuzetno uspješne učenike i studente za svaku školsku godinu utvrđuje Ministarstvo obrazovanja i nauke u skladu sa raspoloživim namjenskim budžetskim sredstvima i Kriterijima koji su sastavni dio ove Odluke.

II - IZBOR KANDIDATA

Član 4.

- a) Izbor kandidata za stipendiranje vrši se na osnovu prijave na konkurs. Konkurs raspisuje Komisija za dodjelu stipendija (u daljem tekstu: Komisija)
- b) Konkurs se objavljuje u najmanje dva dnevna lista koja izlaze na području Kantona Sarajevo i na web-stranici Ministarstva, a dostavlja se osnovnim i srednjim školama te fakultetima na području Kantona Sarajevo;
- c) Datum objave u dnevnim novinama datum je od kojeg teku rokovi propisani konkursom;
- d) Rok za podnošenje prijave na Konkurs za dodjelu stipendije iznosi 15 (petnaest) dana od dana objavljivanja u sredstvima javnog informisanja;

- e) Konkursnu proceduru i izbor kandidata provodi Komisija koju imenuje ministar za svaku školsku godinu posebno;
- f) Komisija ima predsjednika i četiri člana;
- g) Stručne i administrativne poslove za Komisiju obavlja sekretar Komisije, kojeg imenuje ministar;
- h) Komisija radi na sjednicama. Bliža pitanja koja se odnose na rad i način odlučivanja Komisije će se urediti Poslovníkom o radu komisije;
- i) Komisija je dužna razmotriti prijave u roku od 30 dana od dana zatvaranja Konkursa za dodjelu stipendija i predložiti listu stipendija;
- j) Komisija je dužna, po obavljenom odabiru kandidata, u dnevnim listovima u kojima je Konkurs bio objavljen, objaviti spisak svih izabranih kandidata za stipendiranje;
- k) Komisija za svoj rad odgovara ministru.

Član 5.

Konkurs sadrži:

- naziv organa koji objavljuje konkurs;
- naziv i adresu organa kojem se zahtjevi podnose;
- opće i posebne uvjete i kriterije za dodjelu stipendije;
- listu dokumenata kojima se utvrđuju dokazi o ispunjavanju uvjeta za dodjelu stipendije;
- rok za podnošenje prijava;
- rok u kojem će biti objavljeni rezultati konkursa;
- vrijeme za koje se stipendija dodjeljuje;
- iznos ukupnih sredstava za dodjelu stipendija planiranih Budžetom;
- prava i obaveze stipendista;
- škole, odnosno studije za koje se stipendija dodjeljuje zbog postojanja dodatnog društvenog interesa (deficitarna zanimanja, vrlo specifična odnosno rijetka zanimanja od posebnog društvenog interesa i sl.)
- i druge eventualno potrebne podatke.

III - PRAVO NA DODJELU STIPENDIJE

Član 6.

Pravo sudjelovanja na konkursu imaju učenici i studenti koji ispunjavaju sljedeće uvjete:

A) UČENICI

1. Opći uvjeti

- da su državljani Bosne i Hercegovine;
- da su redovni učenici osnovnih i srednjih škola registrovanih na području Kantona Sarajevo i da imaju prebivalište na području Kantona Sarajevo najmanje posljednje tri godine.

2. Posebni uvjeti

2.1. Učešće i rezultati na međunarodnim takmičenjima iz nastavnih oblasti

- da su u prethodnoj školskoj godini, za koju se dodjeljuju stipendije, učestovali na olimpijadama;

- da su u prethodnoj školskoj godini za koju se dodjeljuju stipendije učestvovali na međunarodnim takmičenjima (najmanje 5 zemalja učesnica) i osvojili najmanje 4. mjesto.
- da su u prethodnoj školskoj godini za koju se dodjeljuju stipendije, za predmete za koje je organizator takmičenja na kantonalnom nivou Ministarstvo obrazovanja i nauke Kantona Sarajevo ili je suorganizator na višim nivoima takmičenja. osvojili:
 - a) prvo, drugo ili treće mjesto na nivou Bosne i Hercegovine;
 - b) prvo ili drugo mjesto na nivou Federacije BiH;
 - c) prvo mjesto u Kantonu Sarajevo.

2.2. Učešće i rezultati na međunarodnim takmičenjima iz oblasti sporta, šaha i umjetnosti

- da su redovni učenici srednjih škola koji su u prethodnim godinama školovanja postigli najmanje prosječnu ocjenu 4,0 i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.

2.3. Uspjeh u prethodnim godinama obrazovanja

- da su redovni učenici III i IV razreda srednjih škola koji su tokom cjelokupnog prethodnog srednjoškolskog obrazovanja postigli prosječnu ocjenu 5, 0.

B) STUDENTI

1. Opći uvjeti

- da su državljani Bosne i Hercegovine;
- da su redovni studenti (koji nisu obnavljali godinu) visokoškolske ustanove registrovane na području Kantona Sarajevo i da imaju prebivalište na području Kantona Sarajevo najmanje posljednje tri godine.

2. Posebni uvjeti

- a. da su studenti prve godine studija koji su cjelokupno srednjoškolsko obrazovanje završili s prosječnom ocjenom 5,0.
- b. da su studenti prve godine studija koji su cjelokupno srednjoškolsko obrazovanje završili s prosječnom ocjenom najmanje 4,0 i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.
- c. da su studenti druge i starijih godina studija s prosječnom ocjenom najmanje 9,00 postignutom tokom cjelokupnog prethodnog studija.
- d. da su studenti druge i starijih godina studija s prosječnom ocjenom najmanje 8,00 postignutom tokom cjelokupnog prethodnog studija i da su istovremeno u pojedinačnoj konkurenciji na državnom prvenstvu osvojili 1. ili 2. mjesto ili da su na međunarodnim takmičenjima (najmanje 5 zemalja učesnica) osvojili 1., 2. ili 3. mjesto u pojedinačnoj konkurenciji u oblasti sporta, šaha ili umjetnosti.

IV – KRITERIJI ZA DODJELU I RASPODJELU SREDSTAVA

Član 7.

Nakon isteka roka za podnošenje prijava Komisija utvrđuje prijedlog liste kandidata koji su, u skladu sa općim i posebnim uvjetima iz čl. 6. ove odluke stekli pravo za stipendiju.

Sredstva planirana Budžetom Kantona Sarajevo za ovu namjenu raspoređuju se u skladu sa brojem kandidata koji su ostvarili pravo na stipendiju i ostvarenim pojedinačnim rezultatima na osnovu kojih se utvrđuje odgovarajući koeficijent za izračun iznosa stipendije.

Lista, pored imena svakog kandidata, sadrži i koeficijent za utvrđivanje iznosa stipendije koji se određuje na osnovu rezultata koje je kandidat postigao u školskoj godini/godinama za koji se dodjeljuje stipendija.

Koeficijent za utvrđivanje iznosa stipendije se određuju na osnovu rezultata koje je kandidat postigao u školskoj godini/godinama za koje se dodjeljuje stipendija kako slijedi:

ZA UČENIKE OSNOVNIH ŠKOLA (Član 6. tačka A. Odluke)

R.br	Rezultati takmičenja	Koeficijent
1.	Prvo mjesto na kantonalnom takmičenju	0,8
2.	Drugo mjesto na federalnom takmičenju	1,0
3.	Prvo mjesto na federalnom takmičenju	1,2
4.	Treće mjesto na državnom takmičenju	1,2
5.	Drugo mjesto na državnom takmičenju	1,4
6.	Prvo mjesto na državnom takmičenju	1,6
7.	Četvrto mjesto na međunarodnom takmičenju*	1,6
8.	Treće mjesto na međunarodnom takmičenju*	1,7
9.	Drugo mjesto na međunarodnom takmičenju*	1,8
10.	Prvo mjesto na međunarodnom takmičenju*	2,0
11.	Učešće na olimpijadi	2,0
12.	Specijalna nagrada na olimpijadi	2,4
13.	Bronzana medalja na olimpijadi	2,7
14.	Srebrna medalja na olimpijadi	3,0
15.	Zlatna medalja na olimpijadi	4,0

* međunarodno takmičenje sa najmanje pet zemalja učesnica

ZA UČENIKE SREDNJIH ŠKOLA (Član 6. tačka A. Odluke)

R.br	Rezultati takmičenja	Koeficijent
1.	Prvo mjesto na kantonalnom takmičenju	1,0
2.	Drugo mjesto na federalnom takmičenju	1,2
3.	Prvo mjesto na federalnom takmičenju	1,5
4.	Treće mjesto na državnom takmičenju	1,5
5.	Drugo mjesto na državnom takmičenju	1,7
6.	Prvo mjesto na državnom takmičenju	2,0
7.	Četvrto mjesto na međunarodnom takmičenju*	2,0
8.	Treće mjesto na međunarodnom takmičenju*	2,1
9.	Drugo mjesto na međunarodnom takmičenju*	2,2
10.	Prvo mjesto na na međunarodnom takmičenju*	2,4
11.	Učešće na olimpijadi	2,4
12.	Specijalna nagrada na olimpijadi	2,7
13.	Bronzana medalja na olimpijadi	3,0
14.	Srebrna medalja na olimpijadi	3,5

15.	Zlatna medalja na olimpijadi	4,0
-----	------------------------------	-----

* međunarodno takmičenje sa najmanje pet zemalja učesnica

Ovi koeficijenti se primjenjuju i za kandidate iz člana 6.B. b. i d.

ZA STUDENTE (Član 6. tačka B. Odluke)

R.br	Uspjeh	Koeficijent
1	Studenti prve godine studija koji su u srednjoj školi postigli prosječnu ocjenu 5,0	1,5
2	Studenti druge godine studija sa prosječnom ocjenom 9,0-9,09	2,1
3	Studenti druge godine studija sa prosječnom ocjenom 9,1-9,19	2,2
4	Studenti druge godine studija sa prosječnom ocjenom 9,2-9,29	2,3
5	Studenti druge godine studija sa prosječnom ocjenom 9,3-9,39	2,4
6	Studenti druge godine studija sa prosječnom ocjenom 9,4-9,49	2,5
7	Studenti druge godine studija sa prosječnom ocjenom 9,5-9,59	2,6
8	Studenti druge godine studija sa prosječnom ocjenom 9,6-9,69	2,7
9	Studenti druge godine studija sa prosječnom ocjenom 9,7-9,79	2,8
10	Studenti druge godine studija sa prosječnom ocjenom 9,8-9,89	2,9
11	Studenti druge godine studija sa prosječnom ocjenom 9,9-9,99	3,0
12	Studenti druge godine studija sa prosječnom ocjenom 10,0	3,5

Član 8.

Studenti iz prethodnog člana, koji su ostvarili pravo na stipendiju po osnovu prosječne ocjene, a koji imaju objavljene radove u recenziranoj domaćoj ili stranoj publikaciji, samostalan naučno-istraživački ili umjetnički projekat, po svakom objavljenom radu ili projektu dobijaju dodatni koeficijent od 0,1, a maksimalno 0,5 po ovom osnovu.

Član 9.

U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca

Član 10.

Iznosi stipendija za učenike i studente će ovisiti o broju kandidata koji ispune Kriterije, a utvrdit će ih ministar na prijedlog Komisije.

Član 11.

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća).

Član 12.

Pravo na stipendiju kandidat može ostvariti samo po jednom osnovu iz člana 6. ove Odluke.

Član 13.

Stipendija se dodjeljuje nakon provedenog konkursnog postupka, a na osnovu kriterija propisanih ovom Odlukom.

Član 14.

Stipendije se isplaćuju odjednom ili u ratama, ovisno od priliva sredstava u Budžet Kantona Sarajevo. Sredstva dobijena stipendijama se ne vraćaju.

Član 15.

Listu stipendista objavljuje Komisija Ministarstva u roku od 30 dana od dana isteka roka za podnošenje zahtjeva za dodjelu stipendije.

Lista se objavljuje u dnevnom listu i na web- stranici Ministarstva.

Član 16.

Kandidat može podnijeti pismeni prigovor na listu u roku od osam dana od dana objavljivanja iste.

Prigovor se upućuje ministru obrazovanja i nauke Kantona Sarajevo.

Ministar je dužan donijeti odluku o prigovoru u roku od osam dana od dana isteka roka za prigovor.

Odluka o prigovoru je konačna.

V. STIPENDIJE ZA POSEBNE NAMJENE

Član 17.

Sredstva za posebne namjene utvrđuju se u iznosu od 10% od ukupne sume utvrđene u članu 3. ove odluke.

Navedena sredstva raspodijelit će se prema sljedećim kriterijima:

- a. za stipendiranje djece iz Srebrenice bez oba roditelja izdvojit će se 6% koja se raspoređuju po osnovu posebnih kriterija koje donosi fondacija „Djeca Srebrenice”, a na koje saglasnost daje ministar.
- b. za stipendiranje djece sa posebnim potrebama izdvojit će se 2% i dodijeliti prema kriterijima koje donosi ministar.
- c. za stipendiranje djece nacionalnih manjina izdvojit će se 2% i dodijeliti prema kriterijima koje donosi ministar.

Član 18.

Ova Odluka stupa na snagu danom donošenja, objavit će se u "Službenim novinama Kantona Sarajevo".

P R E M I J E R

Samir Silajdžić, dipl. pravnik

Dostaviti:

1. Predsjedavajući Skupštine Kantona Sarajevo
2. Ministarstvo obrazovanja i nauke
3. Evidencija
4. A r h i v a



e-mail: premier@ks.gov.ba, www.ks.gov.ba

Tel: +387 (0) 33 562-068, + 387 (0) 33562-070

Fax: + 387 (0) 33 562-211

Sarajevo, Reisa Džemaludina Čauševića 1

